

## ATAMU

O Atamu o se paionia moni: o ia o le uluai tagata i le lalolagi ma o le uluai perofeta foi! Sa ia aoaoina lona aiga i le talalelei, ae e oo lava i le amataga, e toatele “sa saili a latou lava taupulepulega i le pouliuli” ma sa teena le upumoni (Mose 6:28).

## ENOKA

Pe na e faalogo i se nuu atoa na aveina ae i le lagi? Ia, o le nuu o Siona—na faavaeina e Enoka—sa matuai amiotonu a’ia’i ma o lea na o ai tagata e nonofo faatasi ma le Atua (tagai Mose 7:23).

## NOA

Ua iloa e uiga i le vaa o Noa. Sa na o le toavalu tagata—o le aiga o Noa—na sao mai le Lolo aua sa latou faalogo i lapataiga a Noa (tagai Kenese 7; Mose 8). Ae na e iloa na ia maua le perisitua ina ua 10 ona tausaga (tagai MF&F 107:52) ma na “sailia e tagata tino ese ... ia Noa ina ia faaumatia lona ola”? (Mose 8:18).

## APERAAAMO

O Aperaamo na toetiiti lava a ositaulagaina e faitaulaga amioleaga, ae sa laveai o ia e se agelu (tagai Aperaamo 1). Sa ia maua ni faaaliga ofoofogia, e aofia ai se faaaliga e uiga i le muai olaga. O tagata o le Ekalesia e tupuga mai ia te ia, ma o le feagaiga faaAperaamo ua faaigoa ia te ia. (Tagai Aperaamo 2-5.)

## MOSE

Na taitai ese mai e Mose ia Isaraelu mai Aikupito ma sa fesoasoani ia i latou ia maua lo latou saolotoga. Sa ia “saili ma le filiga e faapaia lona nuu ina ia mafai ona latou vaai i fofoga o le Atua; peitai sa latou faamaaa o latou loto ma sa le mafai ai ona latou gafatia ona luma” (MF&F 84:23-24). O le mea moni, ona o lo latou liliuese, sa latou feofeoi ai i le vao mo le 40 tausaga!

## IESU KERISO

Sa le gata ina aoao atu e Iesu Keriso le talalelei ma faia vavega e tele, ae sa la faavaeina foi Lana Ekalesia i le lalolagi. Sa la togiolaina a tatou agasala ma sa faasatauroina ma sa toetu mai ina ia mafai ai e i tatou ona faatoilaloina le oti faaleagaga ma le faaletino. O la o le faaao o Lana Ekalesia i aso nei, ma o la ma le Tama Faalelagi o le faapogai o le pule o le perisitua.

## O LE LILIESE TELE

Ina ua mavae le Toetu o le Faaola, sa taumafai Ana Aposetolo ma isi taitai o le Ekalesia e faasalalau atu le talalelei, peitai sa teena e tagata a latou aoaoga ma sa oo ai lava ina fasiotia le tele o Aposetolo. Ona o le amioleaga o tagata, o lea sa leilola ai le atoaga o le talalelei mai le lalolagi. Na pau atu le lalolagi i le pogisa faaleagaga (tagai Isaia 60:2).

- Mo le silia ma le 1,000 tausaga, sa le maua e tagata ia sauniga o le faaolataga, faamanuiaga o le malumalu, po o le taitaiga a se perofeta.
- Na leiloloa mai le Tusi Paia ia upumoni taua.
- Na aoaoina ia manatu sese e uiga i le natura tonu o le Atua.
- O nisi o sauniga o le faaolataga na suia pe sa sese ona aoao atu (tagai Isaia 24:5).
- O lea liliuese na iu ina taitai atu ai i le faatuina o le tele o ekalesia.

## O LE TOEFAALELEIA

I le taimi o le Liliuese Tele, sa i ai ni tagata lolotu i Europa sa iloina e le o sa’o le aoaoina mai o le talalelei a Iesu Keriso. O nei au toefaaaleleia sa le o ni perofeta, ae sa latou faia mea sili sa latou mafaia e aoao atu ai le upumoni e pei ona sa latou malamalama i ai. Sa latou fesoasoani ia maua e le tele o tagata le Tusi Paia. E toatele sa tau mo le saolotoga faalelotu ma tatalaina ai le ala mo le Toefuataiga o le talalelei.

## IOSEFA SAMITA

Pe sa aveesea la e faavavau le atoatoaga o le talalelei? Leai! Sa toe faaaliga mai e le Atua upumoni taua ia Iosefa Samita. Na toefuatai mai e avefeau faalelagi ki uma o le perisitua e tatau ai ia te ia (tagai MF&F 27:8-13; 110; 128:18-21), ua avea ai lenei “tisipenisione o le atoaga o taimi” (MF&F 138:48). Ua ta’ua foi o aso e gata ai aua o le tisipenisione mulumuli a o lei oo i le Afiu Mai Faalua o Iesu Keriso.

## O LE TOEFUATAIGA

E te iloa? Ua e maua faamanuiaga o le Toefuataiga. Ioe, o oe!

- Sa toefuatai mai le Ekalesia a Iesu Keriso faatasi ai ma se perofeta ma aposetolo e taitaiina.
- O le Tusi a Mamona, Mataupu Faavae ma Feagaiga, Penina Tau Tele, ma isi faaaliga o ona po nei ua toefuatai mai ai upumoni taua ia na leiloloa (tagai 2 Nifae 27).
- Na maua e Iosefa Samita le Perisitua Arona mai ia loane le Papatiso (tagai MF&F 13) ma le Perisitua Mekisateko mai i Aposetolo o Peteru, lakopo, ma loane (tagai MF&F 128:20).
- O e ua faatagaina e umia le perisitua e faatinoina tonu ia sauniga o le faaolataga.
- Ma ua tatou iloa e le toe leiloloa lava upumoni i se liliuese (tagai Tanielu 2:44).

Ua E I Ai linei